

doublee
L E T T R E S

P A T E N T E S D V R O Y,
en forme de declaration, portant
reuocation de plusieurs Edicts
& Commissiós extraordinaires,
verifiees tant en la Cour de Par-
lement de Paris, que Chambre
des Cópates, & Cour des Aydes.

22 juillet 1610 officier



A P A R I S.

Chez F. M O R E L, P. L' H V I L L I E R,
& P. M E T T A Y E R, Imprimeurs
& Libraires ordinaires du Roy.

M. D C X.

Avec privilege de sa Majesté.

Case

F

39

.326

THE NEWBERRY
LIBRARY

1610 fsl



LETTRES PATENTES
DV ROY EN FORME DE
*Declaration, contenant Renocation
de plusieurs Edicts & Commissions.*



OVYS PAR LA
GRACE DE DIEV
ROY DE FRAN-
CE ET DE NA-
VARRE. A tous ceux
qui ces presentes let-
tres verront, Salut. Nostre inten-
tion & de la Roynie regente nostre
tres-honorée Dame & mere, ayant
toufiours esté de soulager nos sub-
iets autant qu'il nous seroit possi-

A

ble pour les faire jouyr des fruiçts
qu'une iuste, legitime & paisible
domination a accoustumé de pro-
duire sous vn bon Roy : Et par ce
doux & fauorable traictement les
retenir en obeïssance & deuoir, a-
uec amour & bien-vueillance en-
uers nous, nous eussions tresvolon-
tiers dès l'etree de nostre regne osté
ou diminué la pluspart des charges
q̃ nostredite Dame & mere, & nos
plus feaux Ministres nous ont fait
entendre estre les plus griefues &
insuportables à nostre pauvre peu-
ple, conspirant avec eux en ce saint
& louable desir, mais les grandes
& excessiues despences qui se sont
rencontrees à ce commencement,
cognues d'un chacun, avec celles
que nostre bas aage nous oblige de
supporter quelques annees pour

tenir le Royaume & nos subiets en repos & seurté, nous ostant le moyé de consommer ce bon œuure tout à coup. Nous auons estimé pour leur rendre cependant quelque témoignage de nostre soin & affection à les soulager, deuoir reuoker plusieurs Commissions extraordinaires que le feu Roy nostre tres-honoré seigneur & pere, que Dieu absolue, auoit octroyé pour la recherche & correction des grands abus & maluersations commises en ses affaires, & au preiudice de ses subiects : encores quil eust pris ce conseil avec tres-grande raison, & pour tenir les hômes en deuoir par lexemple de quelque chastiment. Pour ce que nous sommes bien aduertis que les plaintes qui sont venues en nostre Conseil, de diuers

endroits de ce Royaume qu'en pro-
 cedant à l'exécution d'icelle, tant de
 nouveaux desordres ont esté com-
 mis, qu'elles en sont deuenues odi-
 cuses & si dommageables, que le re-
 mede s'est trouué pire que le mal.
 Nous y adioustons encores la re-
 uocation de plusieurs Edicts &
 declarations, contenant creation,
 ou establissement de nouveaux of-
 fices, que nostredit feu seigneur
 & pere auoit esté induit de faire,
 non tant pour en tirer profit & ac-
 croistre ses finances, que pour aider
 & subuenir aux necessitez & des-
 penses des Princes, Seigneurs & au-
 tres personnes de qualité, qui a-
 uoient merité quelques gratifica-
 tions & recompenses de lui. Les-
 quelles reuocations serót aussi sui-
 uies dans peu de iours, de la reuo-

cation de quelques partis , dont nos subiects ont faiët plainte , & monstre receuoir beaucoup d'incommodité & dommages : combien que leſdits partis ayent eſté faiëts pour le bien , commodité & aduantage de nos affaires , aimant mieux ſouffrir quelque perte & diminution de nos droiëts , qu'en les voulant rechercher avec vne trop exacte & ſeuere Juſtice , amoindrir les commoditez & profits de nos ſubiects. A CES CAUSES de l'aduis de noſtre treſhonoree Dame & mere, la Royne Regente , des Princes de noſtre ſang , autres Princes, Prelats, Officiers de la Couronne, & de pluſieurs perſonnes notables de noſtre Conſeil , & de noſtre plaine uiſſance & auctorië Royale, Nous auons reuoqué & reuo-

quons par ces presentes leſdites
Commiſſions extraordinaires & E-
dicts de creation d'offices, ſans que
orés ny à l'aduenir il y puiſſe eſtre
pourueu pour quelque cauſe & oc-
caſion que ce puiſſe eſtre.

PREMIEREMENT.

La cômifſion pour la recherche
des vſures, excepté celle qui ſe faiet
pardeuant les Iuges ordinaires.

La recherche de l'employ qui ſ'eſt
cy-deuant fait des deniers d'octroy
pour les Bourgs, Villes & Commu-
nautéz, outre les ordonnances &
reglemens.

Autre concernant l'obmiſſion
faicte par les Commis à la leuée &
perception du ſold pour liure, lors
qu'il ſe leuoit à l'entrée des portes,
enſem,

ensemble contre ceux qui se sont
exemptez de payer ledit droict.

^{4.}
Celle qui se faict contre les Gref-
fiers , Collecteurs & Assesseurs des
parroisses , à cause des poursuittes
qu'ils font sur le peuple des deniers
des tailles pour les années par nous
remises au peuple.

^{5.}
Autre concernant les leuées qui
ont esté faictes pour les bois &
chandelles par les Villes, Bourgs &
Villages , outre ce qui est porté par
nos Commissions.

^{6.}
Celle des dechets sur les descen-
tes & voitures du sel , tant par eauë
que par terre.

^{7.}
La Commission pour contrain-
dre les merciers & reuendeurs qui
vendēt & estallēt es Villes, Bourgs,

foires & marchez à prendre lettres
du Roy des merciers.

8.

Autre pour contraindre toutes
sortes d'artisans de prendre lettres
de maistrises par les Villes, Bourgs,
& Villages.

9.

Celle pour la vente & alienation
des terres vaines & vagues.

10.

La Commission pour rechercher
ceux qui ont faict entrer de l'Anil
d'Inde auparauât les defenses por-
tées par les Arrests de nostre Con-
seil.

11.

Autre pour l'entreprise sur nos
forests par les vsagers des Villes,
Bourgs, Villages & Cômunautez,
fors que par les Iuges Royaux.

12.

La Commission emanée de no-

estre Tresor de Paris, portant commandement à tous Gentils-hommes d'apporter ou enuoyer leurs lettres, titres & enseignemens au Greffe de nostredit Tresor.

13.

Celle contre les Meusniers pour leurs meules & meulons qui doiuent estre au point rond.

14.

La taxe sur les Huissiers & Sergens de ce Royaume pour estre maintenus en leurs charges.

15.

La Commission pour la recherche des abus & maluersations pretendues au faict des Gabelles des pays de Dauphiné, Lyonnois & Prouence.

16.

La Commission pour la recherche des droicts à nous appartenans, abus & maluersations commises au

faict des Traictes forainés & Dom-
manialles, & acquits à caution non
rapportez.

17.

La recherche du droict des con-
firmations d'offices, autre que cel-
les qui sont deues par nostre adue-
nement à la Couronne.

18.

La recherche des Chastelains de
Dauphiné pour les leuees des de-
niers faictes par eux, outre & par-
dessus nos commissions.

19.

L'Edict des nantissemens & hy-
potheques.

20.

Les offices de Voyers iurez en
chacun siege de nostre Royaume
creez par Edict du mois de Mars
mil six cens quatre.

21.

Autre Edict portant creation des

offices des Sergens conducteurs des prisonniers.

22.

L'Edict des offices de Conseillers presidiaux qui restent à pourvoir des quatre crees en l'annee quatre vingts six.

23.

Les offices de Courtiers , Aulseurs , laugeurs & marqueurs de toilles, draps, & autres ouurages, tant de lin, que de chanure, crees par Edict du mois de Ianuier mil cinq cens quatre vingts six.

24.

L'Edict portant creation des offices de Conseillers en chacun siege Royal de ce Royaume & Vicomtez de Normandie.

25.

L'Edict de creation des offices de Greffiers des Eslections particulieres.

Celuy des changeurs hereditaires.

L'Edict du mois de Iuillet mil six cens six, portant reglement des mesures à sel & establissemens des officiers desdites mesures és Prouinces de Xaintonge, Poictou, Angoulmois, pays d'Aulnis, haut & bas Limosin.

Les offices de Receueurs & Contrôleurs des deniers communs, dós patrimoniaux & d'octroy.

Tous les offices vaquans par mort auparauant l'annee mil six cens, tant d'ancienne, que nouuelle creation.

Les offices de Conseillers presidiaux creez par Edict du mois de May quatre vingts dixsept.

^{31.}
L'Edict des ampliations des Ser-
gens par tout le Royaume de Frâce.

^{32.}
Les offices d'Huissiers, Sergens
& Notaires restans à pourvoir par
commisison ou autrement.

^{33.}
Les offices de Procureurs du Roy
aux Elections particulieres, creéz
par Edict du mois de Novembre
mil cinq cens quatrevingts quinze.

^{34.}
Autres offices de Procureurs du
Roy aux Eauës & Forests, Preuo-
stez, sieges particuliers, ceux des
Preuostez des Villes où il y a Pre-
fidialés Marechaussées, Elections &
Greniers à sel de nouvelle creation.

^{35.}
Les Procureurs du Roy aux
Cours Ecclesiastiques.

^{36.}
Les Sergens Collecteurs des de-

cimes créés par Edict de l'an mil
cinq cens soixante & dixhuiet.

37

Tous les offices anciens & alternatifs de Receueurs des Espices.

38.

Les offices de Greffiers & Clercs de Greffes nouvellement crees.

39.

Les offices de Clercs Commissaires en la Ville de Paris pour les vins entrans en icelle.

40

L'Edict de creation des offices de Courtiers de vins & toutes sortes de marchandises.

41

Autre des offices de Concierges des Bureaux des Tresoriers de France.

42.

Autre Edict portant creatio des offices de Receueurs des amendes
aux

Aux Parlemens & Presidiaux.

^{43.}
Celuy des Messagers des Villes.

^{44.}
Autre Edict de Mesureurs de
fel.

^{45.}
Celuy des porteurs & mesureurs
de grains.

^{46.}
L'Edict de Creation des offices de
Receueurs & payeurs des gages
d'aucunes Cours souueraines & sie-
ges Presidiaux.

^{47.}
Autre Edict des offices de ven-
deurs de poisson de mer, frais & salé
en gros

^{48.}
Autre des offices de garde des
seaux és presidiaux.

^{49.}
Celuy portant creation des offi-
ces de Receueur du domaine.

L'Edict de Creation des offices
de Controллеurs des fortifications
de Dauphiné, Prouence, & Bresse.

Celuy de Controллеur alterna-
tif des bleds, & autres marchandises
à Arles.

Autre portant creation des offi-
ces de gardes des liures & Archives
des chambres des Comptes de Môt-
pellier & Dijon.

L'Edict des offices de Clercs sie-
gez à Rouën, outre les trois establis.

Autre Edict de creation des offi-
ces de Lieutenans & Iuges és Preuo-
stes, Chastellenies, Vigueries, Al-
louez, Vicomtez; & autres Iustices
Royales.

Les offices de Collecteurs des

tailles en collectes des receptes
d'Armaignac, Cōdommois, Com-
minges, & autres lieux requis par les
habitans deldits lieux.

56.

L'Edict de creation des offices de
Lieutenans des Bureaux particu-
liers, Greffiers, Priseurs & calcul-
leurs, sceilleurs, gardes de maistres
des ports en Normandie.

57.

Deux offices de Receueurs du
taillon en l'Eslection de Briué.

58.

Huiſt offices de Controллеurs en
tabliers particuliers de la Preuoſté
de Nantes.

59.

L'office de Receueur des Conſi-
gnations à Laual.

Tous lesquels offices, tant vac-
quas par mort, que de nouvelle crea-

tion seront supprimez, & les Edicts reuoquez pour ceux qui restent à recevoir: à la charge toutesfois que ceux deldicts offices de nouvelle creation qui sont receuz aduenant vacations d'iceux par mort ou forfaiture, demeureront estaints & supprimez, & n'y sera pourueu cy apres.

Autres Edicts portans Creation d'aucuns offices qui restent à executer, que nous voulons pour certaines considerations, estre surcis iusques à ce qu'autrement par nous en nostre Conseil en ait esté ordonné, fors Et excepté ceux qui se trouueront pourueuz, & recens ausdicts offices.

L'Edict des Substituds de nos Procureurs & Aduocats & Adioints

aux Enquestes.

Tous les offices d'Huissiers Audienciers de nouvelle creation en toutes les Iurisdicions de ce Royaume.

L'Edict des offices d'Auditeurs & experts des Comptes, des tutelles, & autres comptes litigieux és Parlemens de Tholose, Bordeaux & Grenoble.

Celuy des offices de Conseillers pour estre vnis aux charges d'offices d'Aduocats du Roy és sieges Presidiaux, & autres Iustices Royales de ce Royaume, & lieux où il n'a esté executé.

Autre portant creation des offices de Greffiers de l'impost en Normandie.

Les offices de Conseillers Asses-
seurs aux Preuostez des Mareschaux,
Vis-baillifs, Viseneschaux, leurs
Lieutenans, ensemble les Lieute-
nans Criminels de robbe courte, par
Edict verifié en l'annee mil cinq
cens quatre vingts quatorze.

Les offices d'Aduocats du Roy,
premier & second, és Vicomtez,
Eaues & Forests, & autres Iustices
ressortissantes au Parlemēt de Nor-
mandie, creez par Edict verifié en
l'annee mil cinq cens quatre vingts
quatorze.

Autre Edict portant creation des
offices de Rapporteurs & certifica-
teurs de criees d'heritages en cha-
cun siege de ce Royaume où lesdi-
tes criees ont de coustume d'estre
certifiees.

L'Edict des offices de Lieutenans particuliers assesseurs Criminels és sieges Presidiaux, Bailliages, Seneschauſſees & autres Jurisdiccions Royales: ensemble les Commissaires Examineurs.

Autre Edict de creation de Greffier tant Civils que Criminels pour le faiet des affirmations.

Autre Edict portant pouuoir aux Enquesteurs & Commissaires Examineurs des sieges de ce Royaume d'exercer l'une & l'autre charge.

La commission des recherches sur les hosteliers & cabaretiers pour leur faire prendre lettres ou permissions de vendre vin.

L'Edict portant creation des of-

fices de porteurs de sel és greniers à sel.

Les offices de Iaugeurs , Mesureurs & Visiteurs de tonneaux, vaisseaux & barriques à mettre vin , cidres, biere, verjus, vinaigre & autres breuvages & liqueurs.

SI DONNONS EN MANDEMENT à nos amez & feaux Conseillers les gens tenans nos Cours de Parlemens, Chambres des Comptes, Cours de nos Aydes , Tresoriers generaux de France , Baillifs, Seneschaux , Preuosts, Iuges , ou leurs Lieutenans, & à chacun d'eux si comme il appartient, que ces presentes nos lettres de Declaration ils facent lire, publier & registrer, & le contenu en icelles faire garder & observer selon leur forme & teneur,

neur, sans souffrir ny permettre qu'il y puisse estre fait ou donné aucun empeschement au contraire. C A R tel est nostre plaisir , nonobstant quelconques Edicts & Reglemens à ce contraires , Ausquels nous auõs derogé & derogeons par celsdictes presentes. En tesmoin dequoy nous auons faict mettre nostre seal à icelles. D O N N E ' à Paris le vingtdeuxiesme iour de Iuillet, l'an de grace mil six cens dix. Et de nostre regne le premier.

Signé,

L O V Y S.

Et plus bas , Par le Roy estant en son Conseil , la Royne Regente sa mere presente.

Signé,

B R V L A R T.

D

Et sceellées du grand seal en cire
jaune, sur double queue.

Leuës, publices & registrees, ouy &
ce requerant le Procureur General du
Roy, à la charge que les procès pour cri-
me d'usure seront faicts à la requeste de
ses Substituts, sans aucun delateur. Et
ala Cour faict inhibitions & deffen-
ces aux officiers receuZ és estats & of-
fices, en consequence d'Edicts non veri-
fiez en ladicte Cour, & d'autres Edicts
reuoqueZ, dont le reſtabliſſement n'a
esté verifié en icelle, continuer l'exerci-
ce d'iceux estats à peine de faux. Or-
donne que coppies collationnees seront
enuoyees par les Bailliages & Senef-
chausſees, pour y estre leuës, publices &
registrees à la diligence des Substituts

du Procureur General du Roy, auxquels enjoint tenir la main à l'exécution. A Paris en Parlement le vingt-troisiesme iour d'Aoust, mil six cens dix.

Signé,

VOYSIN.

Et sur ledit reply est escrit.

Leuës, publices & registrees semblablement en la Chambre des Comptes, ouy, & ce requerant le Procureur General du Roy, aux charges & conditions portees par l'Arrest de la Cour de Parlement, du vingt-troisiesme Aoust, dernier. Et outre enjoint ladicte Chambre aux Thresoriers de France, de n'employer, ny passer en leurs estats

D ij

aucuns gages d'officiers , dont les
 Edicts de Creation ou reſta-
 bliſſement n'auront eſté verifiez en icel-
 le, & où ils ſe trouueront employez,
 qu'ils ſeront rayez purement. Faiſt
 deſſences à l'aduenir aux Receueurs
 & Comptables de les plus payer, à
 peine de radiation ſur eux. Et à ce-
 ſte fin, que coppies collationnees
 aux originaux, tant deſdictes lettres
 que du preſent Arreſt ſeront en-
 uoyees auſdicts Threſoriers Gene-
 raux, à ce qu'ils n'en pretendent
 cauſe d'ignorance, ſuiuant l'Ar-
 reſt de ce. Faiſt le premier iour
 de Septembre, mil ſix cens dix.

Signé, BOURLON.

Et encores ſur ledict reply eſt eſ-
 crit.

Leu, publié & enregistré en la Cour
des Aydes, ouy, Et ce requerant
le Procureur general du Roy, aux
charges & modifications contenues au
registre de ce iour. A Paris le dix-
septiesme iour de Septembre, mil six
cens dix.

Signé,

DVPVY.

D iij

EXTRAICT DES REGI-
stres de la Cour des Aydes.

EV par la Cour, les lettres
patentes du Roy en forme
de declaration, donnees à
Paris le vingt-deuxiesme
Iuliet dernier, signees
Louys, & plus bas; Par le
Roy estant en son Con-
seil; la Royne Regente sa
mere presente. Brulart, Et sceelles sur double
queue de cire iaune: Portant reuocation des
Commissions extraordinaires: Suppression
des Edicts de creation d'offices y mentionnees;
& reuocation d'autres Edicts qui restent à rece-
voir; aux charges y contenues: & surseance
d'autres Edicts de nouvelle creation d'offices
qui restent à executer, iusques à ce que par sa
Majesté en son Conseil autrement en ayt esté
ordonné, fors & excepté ceux qui se trouueront
pourueus & recens ausdits offices, ainsi qu'il est
plus au long contenu & specifié esdictes lettres.
Requeste presentee à ladiue Cour par le sieur de
Mayenne, le vnzieme iour du present mois de
Septembre; à ce qu'il luy pleust le recevoir op-
posant à la verification de l'article trenteneuf-
iesme desdites lettres, concernant les offices
de Clercs Commissaires en la ville de Paris, pour

les vins entrans en icelle, & differer ladite verification iusques à ce que par le Roy en son Conseil en ait esté ordonné. Conclusions du Procureur General du Roy, & tout considéré. **LA COUR**, les Chambres assemblees, a ordonné & ordonne que lesdites lettres seront lues, publiées & registrees en icelle, pour estre executees selon leur forme & teneur, aux charges portees par l'arrest de la Cour de Parlement, du vingt troisieme Aoust dernier: Pour ce qui concerne les offices deppendans de la iurisdiction de ladite Cour, & autres conditions qui ensuiuent. A sçavoir sur le deuxiesme article, qu'il sera loisible au Procureur General du Roy & à ses Substituds sur les lieux, de se pourueoir pardeuant les Iuges à qui la cognoissance appartient, pour le diuertissement des deniers d'octroy mentionnees audit article. Sur le troisieme, sauf audit Procureur General & sesdits substituds de pouruiure la recherche desdites obmissions de recepte du sold pour lurre, pardeuant les Esleus des lieux en premiere instance, & par appel en ladite Cour. Sur le quatriesme, que les habitans des parroisses qui ont esté contraincts de payer les tailles remises depuis l'Edict, pourront repeter dans vn an ce qu'ils ont payé d'icelles, contre ceux qui les auront receuës. Sur les six & quinzieme, Enioinct aux officiers des greniers à sel, de garder & observer pour ce regard les Edicts & Ordonnances. Sur le douzieme article, Que toutes taxes faites en execution de ladite Commission du Tre-

for demeureront nulles, avec deffences à tous
 Iuges d'en faire aucunes à l'aduenir. Sur le sei-
 ziesme, Que les fermiers destraictes pourront
 faire recherche desdits droicts suiuant les Edicts
 & Ordonnances pardeuant les Iuges, ausquels la
 cognoissance en appartient. Sur le trente troi-
 sieme, fait la Cour inhibitions & deffences à
 ceux qui sont pourueus desdits offices qui ne
 sont receus en ladite Cour, de continuer l'exer-
 cice d'iceux, à peine de faux. Que le trenteneuf-
 iesme article aura lieu sans preiudice de l'oppo-
 sition du sieur Duc de Mayenne. Sur laquelle
 ordonne la Cour, qu'il se pouruoirá par deuers
 le Roy en son Conseil, pour luy estre pourueu
 selon le bon plaisir de sa Maiesté. Le tout sans
 approbation des Edicts & Commissions non ve-
 rifiees en ladite Cour, pour ce qui est de sa iuris-
 diction. Et sera sadite Majesté tres humblement
 suppliee de reuoker les Edicts & Commissions
 renues en surseance par lesdictes lettres de De-
 claration, desquelles ensemble du present arrest,
 sera enuoyee coppie collationnee és sieges des
 Eslections & Greniers à sel du ressort de ladite
 Cour, pour y estre publiees & registrees à la dili-
 gence des Substituds dudit Procureur General
 du Roy. Ausquels la Cour enioinct d'y tenir la
 main, & l'en certifier au mois, à peine de suspen-
 sion de leurs charges. Prononcé le seiziesme iour
 de Septembre, l'an mil six cens dix.

Signé,

DVPVY.